

სასამართლო სისტემის სტრატეგიისა და 2017-2018 წლების სამოქმედო გეგმის შესრულების მდგომარეობა

საქართველო-ევროკავშირის ასოცირების დღის წესრიგის საფუძველზე, 2017 წლის 29 მაისს, დაახლოებით ერთწლიანი მუშაობის შემდეგ, საქართველოს იუსტიციის უმაღლესმა საბჭომ 2017-2021 წლების სასამართლო სისტემის სტრატეგია და მისი იმპლემენტაციის 2017-2018 წლების სამოქმედო გეგმა დაამტკიცა.


ორივე საანგარიშო პერიოდში მონიტორინგის პროცესის შედეგად გამოვლინდა, რომ იუსტიციის უმაღლესი საბჭო სათანადო ყურადღებას არ უთმობს სტრატეგიის და სამოქმედო გეგმის სრულყოფილად იმპლემენტაციას და ხშირ შემთხვევაში, მხოლოდ ტექნიკურად თუ სრულდება კონკრეტული აქტივობები, ხოლო მათი შინაარსობრივი შედეგი, მართლმსაჯულების ხარისხობრივი გაუმჯობესება, სამოქმედო გეგმის შესრულებაზე პასუხისმგებელი უწყებების ინტერესს მიღმა რჩება, რითიც ამ ფორმატის არსებობას და ქმედითობას, მნიშვნელოვანი ჩრდილი ადგება

სასამართლო სისტემის სტრატეგიისა და მისი აღსრულების 2017-2018 წლების სამოქმედო გეგმის შემუშავებისა და განხორციელების პროცესზე დაკვირვებამ შემდეგი გამოწვევები გამოავლინა:


- 2019-2020 წლების სამოქმედო გეგმა და მეორე პროგრესის ანგარიში დღემდე არ არის დამტკიცებული/გამოქვეყნებული;
- ორივე საანგარიშო პერიოდში, ჯამში განხილული 92 აქტივობიდან, შესრულებულია - 35, ნაწილობრივ შესრულებულია - 31, შეუსრულებელია - 26;
- მეორე პროგრესის ანგარიშის პროექტი, ისევე როგორც წინა საანგარიშო პერიოდში იუსტიციის უმაღლესი საბჭოს მიერ საზოგადოებისთვის წარდგენილი ერთწლიანი პროგრესის ანგარიში, მეტწილად ტექნიკური ხასიათისაა და სრულყოფილ ინფორმაციას, აქტივობების შესრულების მდგომარეობის შესახებ, არ შეიცავს;
- უკანასკნელი წელიწად-ნახევრის განმავლობაში სამუშაო ჯგუფების ღია შეხვედრები საკმარისი ინტენსივობით არ იმართებოდა. კერძოდ, საანგარიშო პერიოდში მხოლოდ 3 ღია სამუშაო შეხვედრა ჩატარდა;
- სამუშაო ჯგუფების შიდა საორგანიზაციო შეხვედრები დახურულ ფორმატში მიმდინარეობდა;
- საბჭოს გადაწყვეტილებით დადგენილი წესი სამუშაო ჯგუფს კენჭისყრის საფუძველზე სხდომების თვითნებურად დახურვის შესაძლებლობას აძლევს.

სასამართლო სისტემის სტრატეგიისა და სამოქმედო გეგმის შესრულების მეორე ჩრდილოვანი ანგარიში სრულად ხელმისაწვდომია: <https://bit.ly/2Aqja9R>. დოკუმენტი მომზადებულია ევროკავშირის ფინანსური მხარდაჭერით. მის შინაარსზე სრულად არის პასუხისმგებელი „ადამიანის უფლებების სწავლებისა და მონიტორინგის ცენტრი“ (EMC) და „ინფორმაციის თავისუფლების განვითარების ინსტიტუტი“ (IDFI) და არ ნიშნავს, რომ იგი ასახავს ევროკავშირის შეხედულებებს.

- იუსტიციის უმაღლესი სკოლის რეფორმირების მიზნით, ამ მონიტორინგის ფარგლებში შეფასებული 10 აქტივობიდან 3 შესრულებულია, 4 - ნაწილობრივ შესრულებული, ხოლო 3 - შეუსრულებელია;



- მოსამართლეთა დისციპლინური პასუხისმგებლობის სრულყოფის მიზნით, ამ მონიტორინგის ფარგლებში შეფასებული 15 აქტივობიდან 4 შესრულებულია, 3 - ნაწილობრივ შესრულებული, ხოლო 8 - შეუსრულებელია;




- მოსამართლეთა შერჩევა დანიშვნასა და დაწინაურებასთან დაკავშირებული ამ მონიტორინგის ფარგლებში შეფასებული 18 აქტივობიდან შესრულებულია - 1, 7 - ნაწილობრივ შესრულებული, ხოლო 10 - შეუსრულებელია;



- იუსტიციის უმაღლესი საბჭოს ინსტიტუციურ მოწყობასა და საქმიანობის რეგულირებასთან დაკავშირებული ამ მონიტორინგის ფარგლებში შეფასებული 9 აქტივობიდან შესრულებულია - 1, ნაწილობრივ შესრულებულია - 6, ხოლო 2 - შეუსრულებელია;



- სასამართლო სისტემის გამჭვირვალობის უზრუნველყოფის მიზნით, ამ მონიტორინგის ფარგლებში შეფასებული 16 აქტივობიდან 2 შესრულებულია, 11 - ნაწილობრივ შესრულებული, ხოლო 3 - შეუსრულებელია.



რა ნაბიჯები უნდა გადაიდგას?

- სასამართლო ხელისუფლებამ უნდა გაიაზროს სტრატეგიისა და სამოქმედო გეგმის მნიშვნელობა და გამოავლინოს რეფორმირების რეალური ნება;
- ახალი სამოქმედო გეგმა დამტკიცდეს და შესრულების პროგრესის ანგარიში გამოქვეყნდეს დროულად;
- მეორე პროგრესის ანგარიშმა მოიცვას სრულყოფილი ინფორმაცია აქტივობების შესრულების მდგომარეობის შესახებ, შეუსრულებლობის მიზეზების დასაბუთებით;
- განახლებულმა სამოქმედო გეგმამ სრულფასოვნად მოიცვას: (1) აქტივობები, რომლებიც ამ ეტაპზე შეუსრულებელია; (2) აქტივობები, რომლებიც ამ დროისთვის ნაწილობრივ შესრულებულია; (3) შესრულებული აქტივობები, რომელთა განხორციელება განგრძობად რეჟიმში უნდა გაგრძელდეს; (4) სხვა აქტივობები, რომლებიც გამომდინარეობს სასამართლო სისტემის ხუთწლიანი სტრატეგიის დებულებებიდან;
- სასამართლო სისტემის სტრატეგიისა და სამოქმედო გეგმის შესრულების მიზნით, აქტივობების დაგეგმვის, შესრულებისა და მონიტორინგის ეტაპები წარმართოს ღია რეჟიმში, ყველა დაინტერესებული პირის მონაწილეობით.